

历朝诗约选

历朝诗约选

五言古詩九

盛唐

歷朝詩約選九

李白一百八十六首

樹中草

鳥○銜○野○田○草○誤○入○枯○桑○裏○客○土○植○危○根○逢○春○猶○不○死○草○木○
雖○無○情○因○依○尙○可○生○如○何○同○枝○葉○各○自○有○枯○榮○

短歌行

白○日○何○短○短○百○年○苦○易○滿○蒼○穹○浩○茫○茫○萬○劫○太○極○長○麻○姑○
垂○兩○鬢○一○半○已○成○霜○天○公○見○玉○女○大○笑○億○千○場○吾○欲○攬○六○
龍○迴○車○挂○扶○桑○北○斗○酌○美○酒○勸○龍○各○一○觴○富○貴○非○所○願○爲○
人○駐○顏○光○

對酒行

松子棲金華。安期入蓬海。此人古之仙。羽化竟何在。浮生
速流電。倏忽變光彩。天地無彫換。容顏有遷改。對酒不肯
飲。含情欲誰待。

妾薄命

漢帝寵阿嬌。貯之黃金屋。咳唾落九天。隨風生珠玉。寵極
愛還歇。妒深情卻疎。長門一步地。不肯暫迴車。雨落不上
天。水覆難再收。君情與妾意。各自東西流。昔日芙蓉花。今
成斷根草。以色事他人。能得幾時好。

相逢行

朝騎五花馬。謁帝出銀臺。秀色誰家子。雲車珠箔開。金鞭遙指點。玉勒近遲迴。夾轂相借問。疑從天上來。邀入青綺門。當歌共銜杯。銜杯映歌扇。似月雲中見。相見不得親。不如不相見。相見情已深。未語可知心。胡爲守空閨。孤眠愁錦衾。錦衾與羅幃。纏綿會有時。春風正澹蕩。暮雨來何遲。願因三青鳥。更報長相思。光景不待人。須臾鬢成絲。當年失行樂。老大徒傷悲。持此道密意。毋令曠佳期。

長干行

妾髮初覆額。折花門前劇。郎騎竹馬來。繞牀弄青梅。同居長千里。兩小無嫌猜。十四爲君婦。羞顏未嘗開。低頭向暗

壁千喚不一回。十五始展眉。願同塵與灰。常存抱柱信。豈
上望夫臺。十六君遠行。瞿塘滯。滯堆五月不可觸。猿聲天
上哀。門前舊行迹。一一生綠苔。苔深不能掃。落葉秋風早。
八月蝴蝶黃。雙飛西園草。感此傷妾心。坐愁紅顏老。早晚
下三巴。預將書報家。相迎不道遠。直至長風沙。

獨不見

白馬誰家子。黃龍邊塞兒。天山三丈雪。豈是遠行時。春蕙
忽秋草。莎雞鳴曲池。風摧寒櫓響。月入霜闌悲。憶與君別
年。種桃齊蛾眉。桃今百餘尺。花落成枯枝。終然獨不見。流
淚空自知。

子夜四時歌

四首
錄二

鏡湖三百里。菡萏發荷花。五月西施採。人看隘若耶。迴舟

不待月歸去。越王家。

夏歌

長安一片月。萬戶擣衣聲。秋風吹不盡。總是玉關情。何日

平胡虜。良人罷遠征。

秋歌

豫章行

胡風吹代馬。北擁魯陽關。吳兵照海雪。西討何時還。半渡
上遼津。黃雲慘無顏。老母與子別。呼天野草閒。白馬繞旌
旗。悲鳴相追攀。白楊秋月苦。早落豫章山。本爲休明人。斬
虜素不閑。豈惜戰鬪死。爲君掃兇頑。精感石沒羽。豈云憚

險艱樓船若鯨飛波蕩落星灣此曲不可奏三軍鬢成斑

門有車馬客行

門有車馬賓金鞍耀朱輪謂從丹霄落乃是故鄉親呼兒
掃中堂坐客論悲辛對酒兩不飲停觴淚盈巾歎我萬里
遊飄飄三十春空談霸王略紫綬不挂身雄劍藏玉匣陰
符生素塵廓落無所合流離湘水濱借問宗黨間多爲泉
下人生苦百戰役死託萬鬼鄰北風揚胡沙霾翳周與秦
大運且如此蒼穹寧匪仁惻愴竟何道存亡任大鈞

出自薊北門行

虜陣橫北荒胡星耀精芒羽書速驚電烽火晝連光虎竹

救邊急戎車森已行。明主不安席。按劍心飛揚。推轂出猛將。連旗登戰場。兵威衝絕幕。殺氣凌穹蒼。列卒赤山下。開營紫塞傍。孟冬風沙緊。旌旗颯凋傷。畫角悲海月。征衣卷天霜。揮刃斬樓蘭。彎弓射賢王。單于一平蕩。種落自奔亡。收功報天子。行歌歸咸陽。

結客少年場行

紫燕黃金瞳。啾啾搖綠鬣。平明相馳逐。結客洛門東。少年學劍術。凌轢白猿公。珠袍曳錦帶。匕首插吳鴻。由來萬夫勇。挾此生雄風。託交從劇孟。買醉入新豐。笑盡一杯酒。殺入都市中。羞道易水寒。徒令日貫虹。燕丹事不立。虛沒秦

帝宮舞陽死。灰人安可與成功。

俠客行

趙客縵胡纓。吳鉤霜雪明。銀鞍照白馬。颯沓如流星。十步
殺一人。千里不留行。事了拂衣去。深藏身與名。閒過信陵
飲。脫劍膝前橫。將炙啖朱亥。持觴勸侯嬴。三杯吐然諾。五
嶽倒爲輕。眼花耳熱後。意氣素霓生。救趙揮金槌。邯鄲先
震驚。千秋二壯士。烜赫大梁城。縱死俠骨香。不慙世上英。
誰能書閣下。白首太玄經。

白馬篇

龍馬花雪毛。金鞍五陵豪。秋霜切玉劍。落日明珠袍。鬪雞

事萬乘軒蓋一何高。弓摧南山虎，手接太行猱。酒後競風采，三杯弄寶刀。殺人如翦草，劇孟同遊遨。發憤去函谷，從軍向臨洮。叱咤經百戰，匈奴盡奔逃。歸來使酒氣，未肯拜蕭曹。羞入原憲室，荒徑隱蓬蒿。

幽州胡馬客歌

幽州胡馬客，綠眼虎皮冠。笑拂兩隻箭，萬人不可干。彎弓若轉月，白鴈落雲端。雙雙掉鞭行，遊獵向樓蘭。出門不顧後，報國死何難。天驕五單于，狼戾好兇殘。牛馬散北海，割鮮若虎餐。雖居燕支山，不道朔雪寒。婦女馬上笑，顏如赭。玉盤翻飛射，鳥獸花月醉。雕鞍旄頭四，光芒爭戰若蜂攢。

白刃灑赤血流沙爲之丹名將古誰是疲兵良可歎何時
天狼滅父子得閑安

少年子

青雲少年子挾彈章臺左鞍馬四邊開突如流星過金丸
落飛鳥夜入瓊樓臥夷齊是何人獨守西山餓

襄陽曲

四首

襄陽行樂處歌舞白銅鞮江城回淥水花月使人迷
山公醉酒時酩酊襄陽下頭上白接離倒著還騎馬
峴山臨漢江水綠沙如雪上有墮淚碑青苔久磨滅
且醉習家池莫看墮淚碑山公欲上馬笑殺襄陽兒

古風

大雅久不作。吾衰竟誰陳。王風委蔓草。戰國多荆榛。龍虎相噉食。兵戈逮狂秦。正聲何微茫。哀怨起騷人。揚馬激頽波。開流蕩無垠。廢興雖萬變。憲章亦已淪。自從建安來。綺麗不足珍。聖代復元古。垂衣貴清真。羣才屬休明。乘運共躍鱗。文質相炳煥。眾星羅秋旻。我志在刪述。垂輝映千春。希聖如有立。絕筆於獲麟。

蟾蜍薄太清。蝕此瑤臺月。圓光虧中天。金魄遂淪沒。蟬蜩入紫微。大明夷朝暉。浮雲隔兩曜。萬象昏陰霏。蕭蕭長門宮。昔是今已非。桂蠹花不實。天霜下嚴威。沈嘆終永夕。感

我淚沾衣

秦皇掃六合虎視何雄哉飛劍決浮雲諸侯盡西來明斷
自天啟大畧駕羣才收兵鑄金人函谷正東開銘功會稽
嶺騁望琅邪臺刑徒七十萬起土驪山隈尙採不死藥茫
然使心哀連弩射海魚長鯨正崔嵬額鼻象五嶽揚波噴
雲雷鬢鬣蔽青天何由覩蓬萊徐市載秦女樓船幾時迴
但見三泉下金棺葬寒灰

太白何蒼蒼星晨上森列去天三百里邈爾與世絕中有
綠髮翁披雲臥松雪不笑亦不語冥栖在巖穴我來逢眞
人長跪問寶訣粲然啟玉齒授以鍊藥說銘骨傳其語鍊

身已電滅仰望不可及蒼然五情熱吾將營丹沙永與世人別
代馬不思越越禽不戀燕情性有所習土風固其然昔別
雁門關今戍龍庭前驚沙亂海日飛雪迷胡天蟻蝨生虎
鵠心魂逐旌旃苦戰功不賞忠誠難可宣誰憐李飛將白
首沒三邊

咸陽二三月宮柳黃金枝綠幘誰家子賣珠輕薄兒日暮
醉酒歸白馬驕且馳意氣人所仰冶遊方及時子雲不曉
事晚獻長楊辭賦達身已老草玄鬢若絲投閣良可歎但
爲此輩嗤

莊周夢胡蝶。胡蝶爲莊周一體。更變易萬事。良悠悠。乃知蓬萊水。復作清淺流。青門種瓜人。舊日東陵侯。富貴固如此。營營何所求。

齊有倜儻生。魯連特高妙。明月出海底。一朝開光曜。卻秦振英聲。後世仰末照。意輕千金贈。願向平原笑。吾亦澹蕩人。拂衣可同調。

松柏本孤直。難爲桃李顏。昭昭嚴子陵。垂釣滄波間。身將客星隱。心與浮雲閑。長揖萬乘君。還歸富春山。清風灑六合。邈然不可攀。使我長太息。冥栖巖石間。君平旣棄世。世亦棄君平。觀變窮大易。探玄化羣生。寂寞

綴道論空簾。閉幽情。騶虞不虛來。鸞鷟有時鳴。安知天漢上。白日縣高名。海客去已久。誰人測沈冥。

燕昭延郭隗。遂築黃金臺。劇辛方趙至。鄒衍復齊來。奈何青雲士。棄我如塵埃。珠玉買歌笑。糟糠養賢才。方知黃鶴舉。千里獨徘徊。

寶劍雙蛟龍。雪花照芙蓉。精光射天地。雷騰不可衝。一去別金匣。飛沈失相從。風胡滅已久。所以潛其鋒。吳水深萬丈。楚山邈千重。雌雄終不隔。神物會當逢。

金華牧羊兒。乃是紫煙客。我願從之遊。未去髮已白。不知繁華子。擾擾何所迫。崑山採瓊藥。可以鍊精魄。